

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“ broj 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 125. sjednici održanoj dana 19.09.2013. godine, d o n o s i

## ZAKLJUČAK

### I.

Prihvata se Mišljenje Ministarstva za rad, socijalnu politiku i izbjeglice o potrebi prolongiranja zadatog roka Skupštine Zeničko-dobojskog kantona za izradu kantonalnog Zakona o pravima lica koja se iz Zeničko-dobojskog kantona vraćaju u mjesta prijeratnog prebivališta.

### II.

Stav Vlade Zeničko-dobojskog kantona iz tačke I ovog zaključka upućuje se Skupštini Zeničko-dobojskog kantona.

### III.

Zaključak stupa na snagu danom donošenja.

Broj: 02-\_\_\_\_\_ /13.

Datum, 19.09.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za rad, socijalnu politiku i izbjeglice,

1x Stručna služba Skupštine Zeničko-dobojskog kantona,

1x a/a.



**ZENIČKO-DOBOJSKI KANTON**  
**VLADA**  
**n/r Premijera**  
**n/r Sekretara**

Broj: 09-02-18944-1/13  
Zenica, 12.09.2013. godine

**PREDMET: Mišljenje o potrebi prolongiranja zadatog roka Skupštine Zeničko-dobojskog kantona za izradu kantonalnog Zakona o pravima lica koja se iz Zeničko-dobojskog kantona vraćaju u mjesta prijeratnog prebivališta , d o s t a v l j a s e**

Zaključkom broj:01-02-15446/13 od 16.07.2013. godine Skupština Zeničko-dobojskog kantona prihvatila je Inicijativu poslanika Ibrahima Plančića za donošenje Zakona o pravima lica koja se iz Zeničko-dobojskog kantona vraćaju u mjesta prijeratnog prebivališta te zadužila Ministarstvo za rad, socijalnu politiku i izbjeglice da pripremi i u skupštinsku proceduru dostavi Nacrt Zakona o pravima lica koja se iz Zeničko-dobojskog kantona vraćaju u mjesta prijeratnog prebivališta.

Federalno ministarstvo raseljenih osoba i izbjeglica je Vladi Zeničko-dobojskog kantona dostavilo Prednacrt Zakona o pravima povratnika u prijeratno mjesto prebivališta u entitetu Republika Srpska i Brčko-distrikt Bosne i Hercegovine na davanje mišljenja, sugestija i prijedloga, zbog čega Ministarstvo za rad, socijalnu politiku i izbjeglice daje sljedeće:

**Mišljenje**

Prednacrtom Zakona o pravima povratnika u prijeratno mjesto prebivališta u entitetu Republika Srpska i Brčko Distrikt Bosne i Hercegovine na federalnom nivou uredili bi se jedinstveno uslovi, način i postupak za ostvarivanje prava i korištenje stečenih prava iz oblasti socijalne zaštite i zaštite porodice sa djecom, prava iz oblasti boračko-invalidske zaštite, prava iz oblasti zdravstvene zaštite, te prava iz oblasti poreza na dohodak, povratnika u entitet Republika Srpska i Brčko Distrikt Bosne i Hercegovine.

Kantoni bi, u skladu sa svojim nadležnostima, u roku od 60 dana od stupanja na snagu Zakona, posebnim zakonom ili odgovarajućim izmjenama i dopunama postojećih zakona omogućili povratnicima u entitet Republika Srpska i Brčko Distrikt Bosne i Hercegovine ostvarivanje prava iz oblasti socijalne zaštite i zaštite porodice sa djecom, prava iz oblasti boračko-invalidske zaštite, prava iz oblasti zdravstvene zaštite, te prava iz oblasti poreza na dohodak.

Nakon usvajanja Zakona o pravima povratnika u prijeratno mjesto prebivališta u entitetu Republika Srpska i Brčko-distrikt Bosne i Hercegovine na nivou Federacije obaveza kantona bi bila da usklade postojeće kantonalne zakonske propise sa istim.

Uzimajući u obzir činjenicu da je kantonalnim Zakonom o dopuni Zakona o raseljenim osobama i povratnicima („Službene novine Zeničko-dobojskog kantona“ br. 10/11) i Odlukom Vlade Zeničko-dobojskog kantona o ostvarivanju prava iz osnova socijalne zaštite, zdravstvene i boračko-invalidske zaštite, te obrazovanja djece i omladine, povratnika iz Zeničko-dobojskog



kantona na područje entiteta Republika Srpska povratnicima iz našeg kantona u entitet Republika Srpska obezbijedena mogućnost nastavka korištenja stečenih prava, mišljenja smo da je potrebno prolongirati zadati rok Skupštine Zeničko-dobojskog kantona za izradu kantonalnog Zakona o pravima povratnika u prijeratno mjesto prebivališta do usvajanja predmetnog zakona na federalnom nivou.

Napominjemo da je Ministarstvo za rad, socijalnu politiku i izbjeglice stajališta da je ponuđeni tekst Prednacrtu Zakona o pravima povratnika u prijeratno mjesto prebivališta u entitetu Republika Srpska i Brčko Distrikt Bosne i Hercegovine sveobuhvatan i suštinski će ispuniti zacrtani cilj potpore povratnicima.

**MINISTAR**

**Ivica Ćurić**

**Dostavljeno:**

2x Naslov

1x a/a